

J3697  
3

ი. პ. როსტომაშვილის ხანალობა და საყმაწვილო გამოცემა  
1910 წ.

# კლავერის ბალახის თესვა-მოყვანა.



ივანე როსტომაშვილისა

ტფილისი

ელექტრო-მბეჭდავი აზს. „სორაპანი“, მადათ. კუნძული.

1910

# შენახვა ღი.



უმთავრესი ნაკლი ჩვენი მეურნეობისა არის სიმცირე საბალახე იდგილებისა, ე. ი. საძოვრებისა და სათიბებისა. განსაკუთრებით საგრძნობელია ეს ნაკლი გლეხებისათვის, რადგან ამით ცოტა აქვთ მიწები და თავად-აზნაურებს-კი კიდევ არა უშავთ-რა, თუმცა არც ესენი არიან მდიდრები ამ გვარი ადგილებით. ეს არის მიზეზი, რომ ჩვენში მეტად ნაკლებათ ჰყავთ საქონელი და რაც ჰყავთ, ისიც წვრილი, გალეული და მცირედის მეწველი. ხოლო პირ-და-პირი შედეგი ყველა ამისა არის სიმცირე ნეხვისა, გაუსუქებლობა მამულისა და მცირე-მოსავლიანობა ჰორნახულისა.

ადილი არ არის თავი დაახწიოს ადამიანმა ამისთანა შემაფიწროებელ გარემოებას, მაგრამ საშველი მაინც არის. იყო დრო, როცა სხვა ქვეყნებიც სწორედ ჩვენს მდგომარეობაში იმყოფებოდნენ, ე. ი. ჩვენს მსგავსად ისინიც გაუთავებლად სულ ხნავდნენ და ხნავდნენ თავიანთ მიწებს, სანამ სრულიად უთივოდ და უბალახოდ არ დარჩნენ. მაგრამ, ჰპოვეს საშველი ამ გაჭირებიდამ გამოსახსნელი: ეს იყო **თესვა სახნავ მიწებში საქონლისათვის საჭირო ბალახებისა**, ე. ი. თუ აქამდის საძოვრებს და სათიბებს ხნავდნენ და პურს სთესავდნენ, ახლა, პირიქით, დაიწყეს სახნავებისა და საყანე ადგილების **საძოვრებად და სათიბებად დამუშავება** და დიდი ხეირიც ნახა ყველამ. ასე და ამ გვარად დაიბადა **თესვა-მოყვანა ბალახებისა**, რომელმაც კეშმარტად ბევრი ქვეყანა დაიხსნა სრული განადგურებისაგან.

ბალახების თესვა-მოყვანის სარგებლობა მდგომარეობს შემდეგში:

1) დათესილი ბალახები იძლევიან გაცილებით მეტს მოსავალს ბალახისას, ვიდრე ბუნებრივი საძოვრები და საოიბები. მაგალითად, დათესილი ალავერდა-ბალახი (ლიუცერნა) დლიურზე მოგვეცემს, სულ უკანასკნელი რომ ვსთქვათ, 200 ფუტს კარგს თივს და ბუნებრივ სათიბებზე-კი ამოდენა თივას ვერც ექვსი დლიური მოგვეცემს! ეს ცოტაა: ამ ექვს დლიურს ბუნებრივ სათიბს ერთი მცელავი ვერ გასთიბავს 15 დღეშიაც და ერთს დლიურს დათესილს ბალახს-კი 18 იგივე მცელავი სულ ადვილად მოსთიბავს ორიოდ დღეში. გამოდას, რომ ბალახის თესვა-მოყვანა ბალახსაც მეტს გვაძლევს და მის გათიბვასაც ბევრად ნაკლები ღრო უნდა.

2) ბალახებით დათესილი მიწები, შემდეგ გადახენისა, უსასუქოთაც მშვენიერს მოსავალს იძლევიან ჰორნახული-სას. ეს იმიტომ, რომ საკვები ბალახები უშვებენ თავიანთ ძირ-ფესვებს მეტად ღრმად მიწაში, როგორც, მაგალითად, იგივე ალავერდა-ბალახი, რომელიც უშვებს ძირ-ფესვებს 4—7 საყენზე სიღრმით, და ამიტომ, საზრდოობენ ნიადაგის ქვემო ნაწილებიდან.

3) რომ მამული კარგად შევიმუშავოთ და გავაპოხიეროთ კიდევ, უთუოდ საჭიროა, რომ საკმაო, ღონიერი და კარგად მოვლილი საქონელა გვყავდეს. ხოლო, რადგანაც, ამ ღონეს საქონელი იღებს საკვებიდან, გამოდის, რომ თუ გვინდა მამული კარგად შევიმუშავოთ და კარგი ჯანიანი საქონელიც გვყანდეს, უთუოდ საჭიროა, რომ ამ საქონლისათვის საჭირო საკვებიც ბლომად და საკმაოდ გვექონდეს; გამოდის, რომ თუ ჩვენ საკმაოდ არა გვაქვს საქონლისათვის საჭირო საკვები, ჩვენ არც საკმაო და ხერიანი საქონელი გვეყოლება, არც რძე და ერბო გვექნება და არც ნებევი.

კარგად ვიცით, რომ მეურნეობაში ყველაფერი მჭიდროდ არის ერთი-ერთმანეთთან შეკავშირებული და ამიტომ ძნელია, უკვე არსებულის მეურნეობის წესის ერთბაშად დაარღვევა, შეცვლა, მაგრამ ჩვენი ვალია, ნელ-ნელა და შეუ-

მჩნევლად გავაუმჯობესოთ ეს წესები, რომ მამული უკეთესათაჲ შევიმუშაოთ და უკეთესათაჲ გავასუქოთ.

უველაზე წინ კი საჭიროა ვისწავლოთ საქონლის წესიერად ტარება საძოვარზე და საბალახოებზე, საჭირთა კარგად დაეხსნომოთ, რომ არასოდეს არ უნდა ვამოვეუშვათ საქონელი საძოვრებზე და სათიბებზე ადრე გაზაფხულზედ, ე. ი., სანამ იქ ბალახი საკმაოდ არ აწეულა, არ გაზრდილა. ჩვენ კი სწორედ ამ დროს არა გვაქვს ხოლმე საქონლისათვის საჭირო საკვები! მაშ რა ვქნათ? შიმშილით ხომ ვერ ამოვწყვეტავთ საქონელს!? ერთი საშუალებაა: უნდა იმდენი საკვები შევამზადოთ ხოლმე, რომ კაგვწდეს იგი გაზაფხულის ნახევრობამდინა და მით იძულებულნი არ ვიყვნეთ საქონელი ადრე გავიყვანოთ საძოვრებზე და სათიბებზე...

ხოლო ამასთვის საჭიროა კარგად და სამუდამოდ დაეხსნომოთ შემდეგი: საკმაო და ხეირიანი საკვების შესამზადებლად საქონლისათვის უნდა ვიზრუნოთ თივის დიდ მოსავლიან წლებში, როდესაც თითქმის ფასი არ აძევს თივას ან სხვა რომელიმე საკვებს. ჩვენში ჩვეულებრივი მოვლენაა საკვების სიცოტავისა. თითქმის სოფლებშიაც იშვიათად არის ხოლმე, რომ ფუთი თივა 20—25 კაპეიკზე ნაკლებ იყოს და ხშირად 40—50 კაპეიკამდინაც აიწევს ხოლმე. ყოფილა ისეთი მაგალითებიც, რომ ფუთი თივა მანეთად გაყიდულა და ხშირად გაზაფხულზე ჩალის თუ ნამჯის სახურაებიც აუშლიათ, რომ როგორმე გამოჰკვებონ საქონელი, სანამ მინდორში ბალახი თავს ამოჰყოფდეს და უმოსავლო წლებში ხომ ჯერ შემოდგომამდევე ჰყიდინან თვით საქონელს ყოველად უფასოდ, რადგანაც არა აქვთ მათთვის საკვები. მოსავლიან წლებში-კი ამავე საკვებს უფასოთა ვყრით! თქმა არ უნდა, რომ ამგვარს გარემოებაში უადგილო იქნება ლაპარაკი მამულის კარგად დამუშავებაზე და გაპოხიერებაზე. მაშ ეგრე: ჩვენ უნდა ვიღონოთ ყოველი საშუალება, რომ საქონლისათვის მარად საკმაო და კარგი საკვები გვქონდეს! ამისათვის საჭიროა შემ-

ზადება ამ საკვებისა დიდ-მოსავლიან წლებში. ამიზე ჩვენ უკვე ვილაპარაკეთ. ესტკვით მეორეზედაც.

უნდა ვეცადოთ, სადაც კი არის და ვისაც აქვს სათიბები, ისე მოვუაროთ და იმდენად გავაუკეთესოთ, რომ დღიური გვაძლევდეს არა 30—50 ფუტს უყუათო თივასა, არამედ 200—300 ფუტს ტკბილ და ჩვილ თივსაა. წარმოსდგება ეს იქილამ, რომ ჩვენ სრულებით არ ვიცით და არც ვზრუნავთ სათიბების მოვლას. როგორც ცუდად მოვლილი ყანა გვაძლევს მხოლოდ ჩალა-ბულას, სწორედ აგრეთვე, მოუვლელი სათიბები კარგი თივის მაგიერ მუდამ მხოლოდ ეკალსა და უნაოყირო ბალახს იძლევა, მაშინ როდესაც, წესიერად რომ მოვუაროთ ჩვენს სათიბებს, 200—300 ფუტს თივასაც მოგვეცემენ დღიურზე!.. ახლა, რაში მდგომარეობს ეს წესიერი მოვლა-პატრონობა სათიბებისა? წყლის პირა კორდები თითქმის მუდამ კარგს მოსავალს იძლევიან თივისას. ეს იმიტომ, რომ ესენი მდებარეობენ მდინარეებისა და ფშების ნაპირად, რომლებიც არ აკლებენ მათ საჭირო სინესტეს, ხოლო, წყალ-დიდობას სულ წყლითაც ავსებენ მათ და ამ დროს სტოვებენ კორდებზე ლამსა, რომელიც ძლიერ აპოხიერებს მათ. ჩვენში-კი, რამდენია მაგალითი, რომ ამისთანა მშვენიერი სათიბები სრულიად მიტოვებული. მოკლებულია პატრონისაგან გონიერს მოვლასა და ამიტომ სრულითაც ფუქტებიან და ვერანდებიან! აქ იზრდება მაშინ ყოველ-გვარი ეკლიანი ბუჩქები და ივსება ბეგობებით, ხავსით და სხვა უვარჯისი ბალახ-ბულახით, რომლებსაც პირსაც არ ახლებს საქონელი.

ხოლო, ფუქტება ამ გვარი კორდები ყველაზე მეტად იმისაგან, რომ გაზაფხულზე მეტად ადრე ვუშვებთ მასზე საქონელს. რა წამსაც ჩამოდნება უკანასკნელი თოვლი და ბალახი ამოჰყაფს თავს, ჩვენი უზრუნველი მეურნე უშვებს იქ დამშეულ საქონელს და ისიც ხარბად სძიძგნის ნორჩ ბალახ-

სა და თითქმის ძირიანად აგდებს მას, რისგამოც კარგი ბალახი თამამად ვეღარ იზრდება და ცუდი ბალახები-კი, რომლებსაც საქონელი პირს არ ახლებს, თავისუფლად იშლებიან და რასაკვირველია, სწავრავენ და სჯაბნიან თავიანთ მოკორტნილ მეზობლებს. ეს არის პირველი მიზეზი, რომ ამ გვარ კორდები იმის ნაბეჭარსაც არ იძლევიან, რასაც უმკველად მოიცემოდნენ ისინი, რომ ასე აღრე არ შეგვეშვა შიგ საქონელი.

უფრო დიდი ვნება ეძლევა ამ გვარ კორდებს იმისაგან, რომ აღრე გაზაფხულზედ სათიბებზე გამოშვებული საქონელი, როდესაც მიწა საკმაოდ რბილი და ნესტიანია, ძალზედ სტეკპნის და სთელავს მათ. ამავე მიზეზით არ ვარგა შეშვება საქონლისა ამ გვარს კორდებში შემოდგომის გასულზე და გათიბვის შემდეგ, რადგან ეს უბრალო მიზეზები ანახევრებენ სათიბების მოსავალს და თითქმის სრულიათაც ანადგურებენ მათ.

გარდა მოხსენებული წესების შემოღებისა, საქაროა ძირიანად ამოვადლოთ სათიბებში ყოველგვარი ბუჩქები, ბეგობები, უვარგისი ბალახები, დიდრონი ქვები და სხვ., ერთი სიტყვით, შევიანახოთ კორდები ისე წმინდად, რომ მათში იზრდებოდეს მხოლოდ ის ბალახები, რომლებიც სასურველი და გავაკეთოთ ჩვენთვის. ყველაფერი ეს უმჯობესია მოვიქმედოთ შემოდგომით. სხილ შეშას და ფიჩხს., რასაკვირველია, შინ დასაწვავად მოიხმარებთ და ვველაფერს დანარჩენს კი დააგროვებთ მოხერხებულ ადგილას, დასწვავთ და მის ნაცარს-კი თანასწორად მოაბნევთ მთელ კორდზე, ანუ ყოველ წლივ ხოლო მის უწყებულ ნაწილზე.

რაც შეეხება მწვანი ბალახიან ბეგობებს (ამობურთულებს), ყველა ესენი უნდა მოსთალოთ ბარით ანუ გუთნით, გაახმოთ, შემდეგ მოაგროვოთ, დასწვავთ და ნაცარი ისევ სათიბს მოაყაროთ. საზოგადოთ უნდა ეცადოთ, რომ ზედა-პი-

რი სათიბებისა ყველგან იყოს სწორი, ვითარცა ხელის გუ-  
ლი, არა ჰქონდეს ორმოები, რომლებიც მიწით უნდა ამოაე-  
სოთ და ზედ მოაბნოთ საკვები ბალახების თესლი და თუ  
წყალი დგას შიგა, ისევ ან მიწით ამოაესოთ და ანუ არხის  
გათხრით ამოაშროთ. თუ ვანიცობაა ნიაღვარმა ჩათხარა სად-  
მე თქვენი კორდი, დაუყოვნებლივ გარდიგარდმო ღობეები  
უნდა გააკეთოთ შიგ ამ თხრილებში, ერთმანეთზე 20—30  
საეწეზე დაშორებით, ზედ ნიაყაროთ ნეხვი ანუ ბალახ-ბულა-  
ხი და მათ ზევით კიდევ ბელტები დააწყეთ და ანუ ქვები  
დააყაროთ. ამ გვარად გადალოჰილი ჩათხრილები ნიაღვრებ-  
ში ხელ-ახლად მიწით ამოივსება და კორდი აღარ გაგიფუქ-  
ლებათ.

მორწყვა სათიბებისა დიდად სასარგებლოა, ორჯელ  
მაინც წელიწადში, შუა გაზაფხულზე და მის გასულს, როცა  
ბალახი უმეტესად იყრის ტანს. ეს გარეყოფა უნდა მარად  
ახსოვდეს კარგ მეურნეს და სადაც იქნება და რითაც იქნება  
იშოვოს ხოლმე მოსარწყავი წყალი. სადაც შესაძლებელია  
მდინარეებიდან და ტბებიდან არხები უნდა გამოიყვანოთ,  
ხოლო სადაც ეს არ შეიძლება, ხელოვნური გუბეები და  
ტბები უნდა გააკეთოთ მთების ხევეებისა და ლეღეების გვერ-  
დით, სადაც საკმაოდ დაგუბდება წვიმის და თოვლის წყალი  
და შემდეგ აქედამ გაიყვანთ არხებს და მორწყავთ, როგორც  
სათიბებს, ისე სხვა ჰირნახულსა. ახლა კი ასე უბარაქოდ  
იღუპება იმოდენა თოვლის წვიმების წყალი!

ამ გვარი დაგუბებული წყლის სარგებლობა ნათლად  
დამტკიცეს რუსეთის ზოგიერთმა მემამულეებმა—ჟერებცოვ-  
მა, შუვალოვისამ, არისტოვმა, შპერლინგმა და სხვებმა. ჟერე-  
ბცოვმა, მაგალითად, გააკეთა ამ გვარი საგუბრები სამს ლე-  
ღეში, დონეცის მაზრაში. ერთს მათგანს (საგუბა-ს) უჭირავს  
150 დღიური ორმო, რომელშიაც გუბდება 215000 კუბი-  
კური საეწენი წყალი და რწყავს 800 დღიურ მიწას; ამ სა-  
გუბრის კედლის სიგრძე არის 360 საეწენი, სიმაღლე—41<sup>1</sup>/<sub>2</sub>

და სიგანე—ძირში 21. ხოლო თავში—4 საყენი; მეორე საგუბარს უქირავს 120 დღიური ადგილი, რომელშიაც დაგუბებულია 185000 კუბიკური საყენი წყალი და რწყავს 900 დღიურსა; ამ საგუბრის კედლის სიგრძე არის 100 საყენი, სიმაღლე 7 და სიგანე—ძირში 30, ხოლო თავში 3 საყენი; მესამე საგუბარს უქირავს 200 დღიური, რომელშიაც დაგუბებულია 300000 კუბიკური საყენი წყალი და რწყავს 700 დღიურსა; ამ საგუბრის კედლის სიგრძე არის 225 საყენი, სიმაღლე—6 და სიგანე—ძირში 40, ხოლო ზევით 4 საყენი. კედლები საგუბრებს გაკეთებული აქვთ იმავე მიწით (თიხით), რომელიც ამოღებულია აქვე საგუბრებიდან, რისგამოც თითონ საგუბრებიც ფართოები გამოვიდა. ეს საგუბრები წარმოადგენენ ნამდვილს ტბებს, ქარში დელავენ, როგორც ბუნებრივი ტბები და ხშირად საყენიან ტალღებსაც ისვრიან. წყლის საღინრად საგუბრებს კედლებში ჩატანებული აქვთ თუჯის მილები, სისქით ერთი გოჯი, თითონ გასადინარის სიგანე-კი ერთი ფუტია. მილი დატანებული აქვს ძირიდან 1 $\frac{1}{2}$  საყენზე (ზევით). გამონადენ წყალს ქვეშ უდგას დიდი ხის ყუთი, რომ წყალმა ძირი არ გამოუთხაროს კედელს. გამოანგარიშებულია, რომ თითო დღიურის მორწყვა ამ გვარი საგუბრებიდან წელაწადში ჯდება 4 მანეთი; ამ ხარჯში ჩადებულია თითონ საგუბრის გაკეთების და შენახვის ხარჯიცა...

კარგია აგრეთვე გაპოხიერება ურწყავი კორდებისა ნეხით, ნაცრით, კირით, დამპალი ბალახ-ბულახით და მისთანებით; ნეხვი შემოდგომობით უნდა მოაყაროთ თანასწორად სათიბებს და დანარჩენები კი უმჯობესია—გაზაფხულობით.

დასასრულ არ შეგვიძლია არ მოვიყვანოთ აქ ცნობა. თუ როგორ მოკეთდნენ მეურნენი საფრანგეთში.

ამ ოთხმოცი წლის წინად გამოჩნდა საფრანგეთში ერთი მეურნე, სახელად **დომბალი**, რომელმაც თვით საქმით

დაარწმუნა თავისი სოფლის გლეხები, რომ საქონელს მინდორში და საძოვარზე ნუ ატარებთო, შინ იყოლიეთო და, რაც ბალახი და თივა იმათთვის საჭიროო, თქვენს მინდვრებზე მოიყვანეთო და ის აქამეთო: რამდენიც საჭირო იყოს—ზაფხულში აქამეთო ნედლად, ყოველ დღე ახლად გათიბულიო და რაც გასათიბად მოიწიოსო, ის გათიბეთ და თივად დადგათო საზამთროდ. ამით თქვენ ნებვსაც შეტს და კარგს მიიღებთო \*), რომლითაც თქვენს სიქა-გამოლეულ მინდვრებს ძალას დაუბრუნებთო და საქონელიც ერთი-ორად იმატებს ხორცშიაც, ჯანშიაც და რძის მოცემაშიაცო. ეს იმიტომა, რომ შინ საქონელი მუდამ თქვენი საკუთარი თვალის მხედველობის ქვეშ გეყოლებათო, უკეთეს საკვებს მისცემთო და უკეთესათავე მოუვლითო; მინდორში კი საქონელი უპატრონოდ დაეხეტება, კარგს და საკმაო საკვებს მოკლებულია და ძლიერაც იღლება გამუდმებული სიარულით და თავდახრითო. გაგონილი გექნებათო, რომ შინ ნაქმევი ცხენა შეგიძლიანთ ღლეში ათი, თორმეტი საათი ამუშავოთო და მინდორში გაშვებული-კი 6—7 საათსაც ვერ გასწევსო...

დაუჯერეს გლეხებმა და, მართლაც, ისე მოაწყვეს საქმე, რომ ორიოდვე წელში სრულიად აკრძალეს საქონლის მინდვრად ტარება და ყველას შინ ჰყვანდა ზამთარ-ზაფხულ. და ხოლო ამ ერთმა უბრალო საშუალებამ ისე გააკეთა იმ სოფლის გლეხები, რომ მათი ცხოვრების და მეურნეობის წესრიგი მალე მთელს საფრანგეთში გავრცელდა. ეს წესი იყო:

1) ნახევარს მამულში მუდამ სთევ'ი ის მცენარეები, რომლებიც საჭირონი არიან შენი საქონლისათვის და ფრინველისათვის და მოსავალი მისი სულ მთლად მათ მოახმარე, ნურასოდეს ნუ გაჰყიდი; გაჰყიდე მარტო თითონ საქონლისაგან და ფრინველისაგან გამოსავალი, ე. ი. რძე, კარაქი, ერბო,

---

\*) რადგან საქონელი მუდამ შინ გეყოლებათო, ზამთრობით—გომურებში და ზაფხულობით ეზოში, სადმე თავისუფალ კუთხეში.

ხაკო, დო, ყველი, კვერციხი, რადგანაც ასე მოხმარება მოსავლისა მარად უფრო მეტს სარგებელს იძლევა, ვიდრე ხალასი მცენარეების გასყიდვა, და

2) ხოლო დანარჩენი ნახევარი მამულისა მოიხმარე დასათესად იმ მცენარეებისა, რომლებიც საქირონი არიან შენთვის და საჭოვადოთ, ადამიანისათვის (პური, ქერი, სიმინდი, ფეტვი, ღომი, ნესე-საზამთრო, საბოსტნე მცენარეები, ბალვენახის მოსაშენებლად და სხვ.) უბრალო და მარტივი წესებია ხომ ეს წესები, მაგრამ მთელი სასწაული-კი შობადინეს მათ საფრანგეთში: მათის წყალოჲით იქ ახლა მიწა იძლევა ხუთჯერ და ათჯერ მეტ მოსავალს!..



რომ კარგად გასინჯოთ რომელიმე სათიბი ანუ კორდი, ნახავთ, რომ იგი შესდგება 20—30—40 სხვა და სხვა ბალახებისაგან, რომელთა შორის საქონლისათვის გამოსადეგია მხოლოდ 10—15, დანარჩენი კი უვარგისი და შხამიანი ბალახებია. ჩენი ვალია ვეცადოთ, რომ ჩვენს სათიბებში იზრდებოდეს მარტო კარგი და შემრგო ბალახები და არც ერთი უვარგისი და შხამიანი. სათესად გამოსადეგი ბალახები ბევრნაირია, მაგრამ ამ წიგნში ჩვენ ვილაპარაკებთ მხოლოდ ერთ მათგანზე, საუკეთესოზე. ეს არის ალავერდა ბალახი ანუ როგორც რუსები ეძახიან ლიუცერნა და ჩვენც მასზე გადავიდეთ.

**ალავერდა ბალახის (ლიუცერნას) თესვა-მოყვანა.**

რაც უნდა პატარა მამული ჰქონდეს სოფელს, საქიროა, რომ მას რამდენიმე სული ძროხა ჰყვანდეს. გაგონილი გექნებათ, რომ ჩენი მამა-პაპები გაცილებით უფრო შეძლებულნი ყოფილან, არც თითონა ჰკლებიათ უხვი ქამა-სმა და არც იმათ ცოლ-შვილსა. ამისი მიზეზი კი უმთავრესად ის ყოფილა, რომ მათ უყვარდათ საქონლის ყოლა, რადგა-

ნაც მაშინ ბალახიც უანგარიშო იყო მინდორ-ტყეებში და არც იმდენ ზრუნვას და ხარჯს თხოულობდა საქონლის ყოლა. მრავალ-საქონლიანი ოჯახი კი მუდამ ღონიერი და შეძლებულია: აიღეთ მარტო ის ამბავი, რომ სადაც საქონელია, იქ რძე და ერბოც არის, ხოლო სადაც რძე და ერბოა, იქ ყველი და ქადა-ნაზუქიც არის და, მაშასადამე, არის რით გამოჰკვებო და გამოზარდო შეილები... ახლა? რძეს თვალითაც ვეღარ ხედავენ ჩვენი შეილები და ქადა-ნაზუქი და ერბო ხომ სულ სანატრელიც გახდა მათთვის!.. მკაფი და ქერი, აი რამ დაიჭირა ქადა-ნაზუქის ადგილი და ხშირად ხომ ესეც ენატრებათ საწყლებს! სულ კი იმისაგან, რომ დავივიწყეთ საქონლის ყოლა, საქონლის ლოლიობა... როცა ელაპარაკები ამაზედ ქართველ სოფლებსა, ის მოგიყვება ჩივილს, რომ მინდორი და საძოვარი-სათიბები არა გვაქვსო და საქონელს საიდან შევინახავთო, მაგრამ ეს მართალი არ არის. ბევრ ჩვენ სოფელს მინდვრები და საძოვრები-სათიბებიც აქვთ, მაგრამ ბევრს მეოჯახეს ხაქონელი მაინც არა ჰყავთ. ეს კი იმიტომ, რომ ჩვენი სათიბები ან სულ არ იძლევიან თივასა და თუ იძლევიან, ისე ცოტასა, რომ გასათიბათაც არა ღირს... მთელი ჩვენი შრომა და ზრუნვა ამ ეამად მარტო ხენა-თესვაზე ან ბალ-ვენახების მოვლა-გაშენებაზე მიდის და იმას კი არა ფიქრობთ, რომ უსაქონლოდ, უნებვოდ ვერც ხენა-თესვა და ვერც ბალ-ვენახი შეგვძენს რამე სიკეთესა. ამიტომ, თუ გვინდა, რომ ფეხზე დადგეს ჩვენი ოჯახი, ჩვენი მეურნეობა, უნდა შევეუდგეთ საქონლის მომრავლება-მოშენებას, ხოლო ამისათვის კი საჭიროა, რომ საქონლისათვისაც ისე ვთესოთ ბალახი, როგორც ჩვენთვის ვთესავთ ჰურსა და სიმინდსა. საუკეთესო ბალახს იძლევა ალავერდა-ბალახი (ლიუცერნა) და ამიტომ ვილაპარაკოთ ახლა იმაზე, თუ სად და როგორ უნდა ვთესოთ ეს ბალახი.

— — —  
ალავერდა ბალახს უყვარს ისეთი მივარდნილი ალაგები,

როგორც არის, მაგალითად, ლობეების დაყოლება, უყვარს გრილი, უმზეო ადგილები, სადაც ჩვენში მომეტებულად იზრდება ქინკარი და სხვა ბალახ-ბუღახი. ამასთან, ალავერდა-ბალახი ისეთი დალოცვილი ბალახია, რომ ერთხელ დათესილი, შეგიძლიანთ მთელი ათი-თორმეტი წლების განმავლობაში სთიბოთ ხუთჯერ-ექვსჯერ თვითოეულ ზაფხულში!.. დიახ, მხოლოდ ათი-თორმეტი წლის შემდეგ სჭირდება მას ადგილის გამოცვლა და ხელ-ახლად დათესვა!.. თუ სადამდის სარფაა ალავერდა-ბალახის თესვა-მოყვანა სჩანს იქიდან, რომ ერთ დღიურს შეუძლიან მოიცეს ხუთასი-ექვსასი ფუთი საუკეთესო თივა. იანგარიშეთ ფუთი აბაზათ ან ექვს შაურად და გამოვა ათი-თხუთმეტი თუმანი დღიურზე შემოსავალი. მაგრამ, აქ იმდენათ ფაი და შემოსავალი არ არის სახარბიელო, რამდენათაც ის, რომ იონჯა იზრდება კარგად იქ, სადაც პური თუ სიმინდი სჯლ არაფერ მოსავალს არ იძლევა, ე. ი. სრულიად გამოფრტულ, სრულიად მოღლილ მიწაზედაც. ეს იმიტომ, რომ ალავერდა-ბალახი ისე ღრმად უშვებს თავის გრძელ, ორ-სამ საყენიან, ძირებს მიწაში, და ისე აკეთებს და ასუქებს ამ გამოფრტულს მიწასა, რომ ათი-თორმეტი წლის შემდეგ, ეს მიწაც კვლავ გამოდგება პურისა, ქერისა თუ სიმინდის და ფეტვის დასათესად ან ბალ-ვენახის გასაშენებლად.

---

ახლა, როგორ უნდა დავამუშაოთ მიწა ალავერდა-ბალახის დასათესად? თუ ადგილი ფართო და დიდია, მოხანით შემოდგომაზედვე გუანით, ხოლო თუ საგუთნედ უხერხულია, დაბარეთ, რომ ზამთრის სიცივემ და ყინვებმა დაშალოს და ააფხვიეროს მიწა და დახოცოს ამობრუნებული ქია-ლუა და მათი თესლი. შემდეგ, ზამთარში, შეუდაქით ალავერდა-ბალახის თესლის შოენას. ამისათვის უკეთესია მიმართოთ პირადათ ანუ წერილით თბილისში კავკასიის სამეურნეო საზოგადოებას. დადგეს გაზაფხული თუ არა, დათესეთ ალავერდა

ისე სკლად, როგორც მიღებულია ჩვენში ფეტვის თესვა, დაახლოვებით ერთი ან ერთ ნახევარი ფუთი დლიურზე ანუ ორი სამი ფუთი—დესეტიანაზედ და დაფარცხეთ ანუ მოასწორეთ ფოცხით, რომ მიწამ კარგად დაჰფაროს თესლი. რა წამსაც ათბება, თქვენ ნახავთ, რომ ალავერდა ამოვა და იწყებს აჩქარებით ზრდას. პირველ ზაფხულს ის მოგცემთ მცირე ბალახს, რადგანაც მარტო ერთხელ გასთიბავთ, მაგრამ მეორე წლიდან კი, როცა ძირები კარგად გაუმავრდება და გაედგება მიწაში, იგი მოგცემთ სუთ-ექვს მოსავალს, დიდძალ ბალახს. პირველ წელიწადს უნდა ეცადოთ, რომ ალავერდას ნათესში არამც და არამც არ შეუშვათ საქონელი რომელიც, გარდა იმისა, რომ გასთელავს ნორჩ ბალახსა, მოძოვნის დროს სულ ძირიანათაც ამოავდებს მას, რადგანაც ამ დროს მას ჯერ კიდევ არა აქვს ძირი კარგად გამავრებული და გამდგარი მიწაში. აგრეთვე არ უნდა დააცალოთ ალავერდას, რომ პარკი უა თესლი გაიკეთოს, თორემ მეორე წელიწადს სუსტად გაიზრდება, არამედ იწყობს აყვავებას თუ არა, უნდა გათიბოთ. სათესლედ ალავერდა უნდა გაუშვათ მარტო მესამე ანუ, რაც უფრო უმჯობესია, მეოთხე წელიწადს. ერთ დლიურს შეუძლიან მოგცეთ 15 ფუთი თესლი. მართალია, ფუთი იონჯის თესლისა ზოგჯერ თორმეტი მანეთიც ფასობს, მაგრამ უმჯობესია ფულებს თივა არჩიოთ და სათესლედ კი მარტო იმდენი ადგილი დასტოვოთ (სჯობია პირველ გათიბვის მერე), რამდენიც საკმაო იქნება თვათ თქვენთვის...

ახლა, როგორ უნდა მოხვნა ალავერდა-ბალახისათვის დანიშნულ ადგილს და შემდეგ დათესვა? აი როგორ: ის მიწადორი, რომელიც უკვე აღარ ვარგა ჰურისა თუ სიმნდის დასათესად, მოხანით რაც შეიძლება ადრე შემოდგომაზედ, როცა დედამიწა ჯერ კიდევ მშრალია, რადგანაც სიმშრალეში ნახნავი კარგად გამოშრება ხოლმე და ბალახ-ბულახთა ძირებიც ჩქარა ხშება. გაიმეორეთ მოხვნა ზამთრის ზოლოსაც და

შემდეგ, რა წამსაც აიღოს თოვლით მოასწორეთ ფარცხით და დასთესეთ ალავერდა ხელით ანუ დასათესი მანქანით სქლად, როგორც ჩვენში ფეტვის დათესვა იციან. დესეტინაზედ საკმაოა, ორი ფუთი თესლი, მაგრამ უფრო კარგი იქნება, თუ სამს ფუთს შეახმარებთ. შემდეგ დაფარცხეთ კარგად ფარცხით ანუ ფოცხით, რომ თესლი ნახევარ ან სამ მეოთხედ ვერშოკზე ჩაიმალოს მიწაში და საქმე გათავებულა: თესლი ამის შემდეგ კარგად და თანაბრად ამოვა.

ზოგიერთნი ალავერდა-ბალახთან ერთად სთესენ ქერსა ანუ პურსა, რომ პირველ წელიწადს დაჩრდილოს ალავერდას ჯგჯილი, მაგრამ ეს კარგი არ არის და ჩვენ ვურჩევთ სთესონ მარტო ალავერდა, რადგანაც ის თავის-თავად უფრო თამამად ამოდის და კარგადაც იზრდება. ამოსვლის შემდეგ, ერთხელ-ორჯელ დაჰხედეთ ალავერდას ჯგჯილს და რაც კი უბრალო ბალახი შენიშნოთ, გამარგლეთ, მერე კი აღარ უნდა გამარგვლა, რადგანაც ალავერდა რაკი მოიზრდება, თითონვე ამოახრჩობს სხვა ყოველ ბალახს, მორევით მას ვერა სხვა ბალახი ვერ მოერგება, რადგანაც ალავერდას ძირი იზრდება სამ საყენზე სიღრმით და ზოგჯერ მეტხედაც.

მეორე წელიწადს, გაზაფხულზედ, როცა მიწა მოშრება, ალავერდა უნდა კარგად მოფარცხდეთ, რომ ცოტათი აუჩვილოთ მიწა და მიასწორ-მოასწოროთ დედამიწის ნახეთქი ადგილები. ამის შემდეგ ალავერდა იწყებს თამამად გაზრდას და აპრილში უკვე შეგიძლიანთ გათიბოთ პირველად. მაგრამ გათიბვა მაშინ კი არ უნდა დაიწყოთ, როცა მთელი ნათესობა იწყებს აყვავებას, არამედ მაშინ, რა წამსაც შეამჩნიოთ, რომ ალავერდა უკვე ყვავის აქა-იქ...

ახლა, როგორ უნდა ალავერდა ბალახს თიბვა და გაზმობა-მოგროვება? გათიბვა შეიძლება გნებავთ ცელით, გნებავთ ნამგლით, ოღონდ მთიბავებს უკან უნდა მიჰყვებოდნენ სხვა მუშები, რომ აგროვონ გათიბული ბალახი ადგილ-ად-

გილ იმდენ-იმდენი, რაც აიღება ორთითით ერთ ჯერად. ასე ამიტომ უნდა მოიქცეთ, რომ თუ გათიბული ბალახი მაშინვე არ დააგროვეთ პატარ-პატარა ბულულებად, ალა:ერდას ფოთოლი რომ შეახმება, შემდეგ აგროვეთ სულ გასცვივა და მარტო ცარიელი კლერტები-ლა დაგრჩებათ. შემდეგ, როცა ალავერდა-ბალახი ასეთ პატარ-პატარა ბულულებში საკმაოდ შექცნება, იგი ახლა უფრო მოზრდილ ბულულებად დადგით, დააცადეთ, რომ სრულიად გახმეს და მაშინ თვით თივის ძირებათაც დადგით. ოღონდ თივის ძირები თავის დღეში არ უნდა დადგათ თითონ ალავერდას ნათესში, რადგანაც ის ადგილი, სადაც თივას დასდგამთ, დაიწვები და ალავერდა აღარ მოვა, აღარ გაიზრდება.

ახლა, როგორ უნდა ალავერდას სათესლედ მოყვანა და თესლის აღება? რა წამსაც დაინახოთ, რომ ალავერდა იმ ადგილში, საიდანაც გნებავთ აიღოთ თესლი, აყვავება დასრულდა და თესლმა მოშავო ფერი მიიღო, თქვენ უნდა შეუდგეთ ალავერდას მომკას ნაშვლით და შეკრათ პატარ-პატარა ძნებად, რომლებიც იქვე უნდა დააყენოთ, სანამ სრულიად გახმებოდნენ, ხოლო გახმობის უშალ, შეგიძლიანთ შეუდგეთ გაღეწვასაც—ჯახით ანუ საგორავით თუ ჩვენებური კვერებით. ალავერდას ბზე ანუ ბურღო საუკეთესო საკმელია საქონლისათვის და ამიტომ უნდა გაუფრთხილდეთ, რომ მას მიწა ან ქვიშა არ შეჰყვეს. საუკეთესო ალავერდა-ბალახად ითვლება ფრანგული და თურქესტანული. საფრანგეთში, იტალიაში, გერმანიაში და სხვა დაწინაურებულ სახელმწიფოებში და აგრეთვე ტურქესტანში, იშვიათი იჯახი, რომ ალავერდას ბალახს არა სთესავდნენ. თავიანთი საქონლისათვის...

